

EN GARAIT HOM SA SA GADENKT PET AN MONUMENT AS IST GARO GABICHEN KEMMEN

# 1916: VIARZEN LANDESSCHÜTZEN PAGROM UNTER A SCHNEALA'

Eppes as schellt denkn sèll as ist passiert as de Fontanella en 1916: dòs ist sèll as se hom gabbelt tea' de Alpini va Garait ont va Oachlait. Bail de nòcht va de 12 as 13 van merz, a schneala' hot pagrom 14 Landesschützen. Ver za denken sa, ist kemmen augamöcht an monument en plötz bo as sai' sa stourn. Der Elio Moltrer va Vlarotz hot ens kontart de doi gschicht, as hot enteressiert der sai' nono aa. Er hot se gahoasn Pietro, der Perot va Kasar, ont er ist an Landesschütze va de Earste Kompanie gabten. En de earste zait van krieg ist er gariaft kemmen en Galizien. Bail s ist u'fonk s krieg pet en Balschlönt, er ist kemmen gariaft en sai' Tol, bavai de hom noat gahöp va mentschn as hom guat kennt taitsch ont balsch, abia der Perot. De sai' kemmen en Tol, za hélven en de Standschützen as sai' schoa' do gabten. En merz van 1916 hot s an schoubert schneala' gahöp ont s hot seguitart za schnaim. En sèll to, as de 12 van merz, der Perot ist kemmen tschickt en Palai pet an pefèll. Za mitto is er arivart en Palai ont dòra hot se enbiart za kemmen zaruck. Er ist mia gaben being en schneala'. S ist nòcht kemmen ont en Oachlait hot er der ölt Pater, der Davide Froner, pakemmp. Er hot en nèt galòt anau. Er hot en tsöck „Du, iaz, kimmpst pet miar hoa'm ont morng geaber zömm anau. Pet en doi schneala', ist runt pferlechi!“ Asou ist er ano, zömm pet en Pater ont der to derno sai' sa zömm anaugöng finz en Stoa'na. Va semm hom sa schubet



Lettratt: Archif Mederle Brixen



tsechen sèll as ist passiert bail de nòcht. A schneala' ist arokemmen as de barake. Der Perot ist anaugalafont er ist nanket guat gaben za vinnen de barake. De sai' kamerött sai' ölla unter en schneala' pagrom. Er hot schubet tsuacht der sai' kamarött, as er hot Konrad Vögel gahoasn. Er ist storm gabten, abia de öndern 13 Landesschützen. Der pagromes hot se gahölt kan Brennstall (Compi). Der Elio hot ens tsöck sèll as hot en kontart der sai' nono as hot ölbé tsöck as der sèll to, er hatt gameicht long s sai' lem, semm as de Fontanella. S sai'an schoubert jardet as der Elio hot u'pfönk za suachen dokumentn

**Der Elio Moltrer va Vlarotz hot zömmkloum an schouber dokumentn ont lettratt. Der sai' nono hatt gameicht semm sai', zömm pet de sai' kamarött**

asn krieg ont sèll as ist passiert en inser Tol. Er hot pfuntnt an schoubert körn, letrattnt ont an schoubert dinger as kontarn ens de sèlln loadegen zait van krieg. Ont iaz der leist tritt. De Alpini va Garait ont va Oachlait hom gamöcht an monument pet de na'm van doin 14 mentschn. En sunta as de 15 hom sa gamöcht a mess ont dòra ist er kemmen gabichen vour an schoubert lait, vour de Alpini, de Landesschützen, de Kaiserschützen ont de Kaisejäger. Ont baröndra, va iaz envire, barn ber hom an zoach as bart ens ölbé denken sèll as ist passiert der sèll to.

LORENZA GROFF

BERSNTOL DE SÈLLN AS SAI' ENTERESSIART MIASN OGEM DE VROG VOOR DE 30


## DER ESAM VA BERSNTOLERISCH

Pet en ausrot n. 172 va de 19 van schanmikeal 2015 sai' kemmen augatu' de zait van esam ver en kennen de aigene sproch ont kultur va de bersntoler minderheit, jor 2015. De vrog mias ogem kemmen voor de 30 van doi mu'net. Ver za nemmen toal de enteressiaretn miasn hom 17 jor ont de meing möchen der esam ver en iatn tritt, a ne miasn hom der sèll titl va lear. Der tritt as kimmp versichert van kennen de aigene sproch ont kultur va de bersntoler minderheit kimmp tschazt no en de livei as kemmen u'ganommen va de gönze europa (qcer) no en Europeische rot. Sech ber sa: Tritt A2, Tritt B1, Tritt B2, Tritt C1 ont C1 learer. Der earste, «Tritt A2», versichert as de kandidatn kennen s bersntolerisch ver de örbetkategorii A. De zboate schòrt, as hoast «Tritt B1», kimmp gamöcht ver de örbetn en de

kategori earste B. De dritte schòrt, «Tritt B2», versichert as de kandidatn kennen s bersntolerisch ver de örbetkategorii zboate B ont C. Dòra hot s der «Tritt C1», as kimmp gamöcht ver za nemmen toal en konkursn ver de örbetkategorii D. Der leiste ist der esam ver de sèlln as belln gea' za learnen en de schual ont, zömm pet en bersntolerisch, de kandidatn miasn möchen an esam va taitsch aa. De komission as möcht der esam ist gamöcht van drai lait, o'a' ist u'ganommen kemmen van Bersntoler Kulturinstitut ont an öndern va de Provinz. S hòt an öndern mittoal as schauk aus der esam van taitsch S gasetz sok as de sèlln as hom der titln, hom de meglechket za kemmen auganommen vour de öndern en de ölgamo'a'konkursn. Derzua, de learer as belln gea' za örbetn en de schual oder en kindergört en de


Gamo'a'va sprochminderheit miasn hom de versicher van bersntolerisch zömm pet de sèll van taitsch. Being en sèll, kimmp s gamöcht an esam va bersntolerisch ont an öndern van taitsch. Ver za tea' dòs, en de doin strukturn kemmen auganommen vour de öndern learer as hom der patentin ver za learnen de minderheitsproch. Ber as enteressiert ist za nemmen toal en versicher, miast ogem de vrog ver za meing toalnemmen en esam as en modell as men mu' vinnen en sito [www.comunita.altavalsugana.tn.it](http://www.comunita.altavalsugana.tn.it) voor de 30 za mitto. De vrog miast kemmen trong dirèkt en Omt bou de Lait meing se Pavrong - offset van ma'ta finz en vraita va um öchta finz mitto, ont der eirta ont der pfinsta va um zboa finz um viara nomitto, oder ver fax (0461 - 531620), oder oder ver pec.

LORENZA GROFF



BERSNTOL DOMANI POMERIGGIO, PRESSO IL BERSNTOLER KULTURINSTITUT, UN MOMENTO DI RICORDO E DI RIFLESSIONE

S e c'è un uomo perfetto, si faccia avanti. Neanche Stefan lo era, però è riuscito a distinguersi fra i tanti del suo tempo, ed è riuscito a farlo con un impegno costante a favore della comunità e soprattutto senza camminare sulla testa degli altri, ma con gli altri. «Cammino, per unire popolazioni divise da un destino ingratto che ha separato secolari legami.» La sua battaglia infatti per riallacciare quei rapporti fra i gruppi linguistici del vecchio Tirolo, rapporti stroncati da quel nazionalismo che ha operato con inaudita violenza nel primo dopo guerra, intaccando pesantemente i rapporti di pacifica convivenza che da secoli esistevano in questa terra, sono stati incessanti. Coltivando in modo capillare i contatti con enti e associazioni che grazie alla sua parlata bilingue, riuscivano a rendersi conto di una realtà che tante volte anche a loro appariva offuscata, stava riuscendo a dare una concreta base, un inizio al suo progetto. Con l'attuazione di un ulteriore disegno, molto significativo e spettacolare, stava cercando di



## A STEFAN FRENEZ

voleva ripercorrere durante la stagione estiva, tutto il confine del vecchio Tirolo, quasi a sublimare il sentimento che teneva dentro di sé. Lo voleva fare da solo, in un rapporto diretto con la sua terra, in un momento di alta e significativa spiritualità. Non possiamo stare ad elencare quanto da lui fatto nel tentativo di raggiungere questo suo traguardo di vita, che stava sempre davanti ai suoi occhi, meta alla quale voleva arrivare ad ogni costo. Non basterebbero pagine e pagine per descrivere tutto, importante invece come lo ha fatto. Con un vissuto di una intensità impressionante, nonostante problemi e intoppi che la vita riserva a tutti, superandoli uno ad uno, metodico e deciso, con lo sguardo sempre rivolto al domani da affrontare, e sempre pronto a dare la classica mano, infatti un altro particolare, la sua umanità, non la si può di certo dimenticare. Dedito alla vita fra i ragazzi nel campo dell'insegnamento, sempre pronto alla correzione, all'osservazione acuta che portava immancabilmente al far aprire gli occhi a chi gli sta-

va attorno. Ricco dell'esperienza maturata nei contatti continuati con altri popoli, dalla Svizzera all'Austria, per ridursi poi al piccolo orizzonte della sua valle dove ritrovava l'energia per il nuovo agire. La sua opera è stata interrotta dalla chiamata alla quale ogni uomo prima o poi deve dare risposta, forse aveva raggiunto quell'obiettivo che gli era stato a suo tempo prefissato. E per noi tutti è stata una dura mancanza, ma nonostante questo, lui c'è! E a quel "lui" ora noi dobbiamo indirizzare il nostro pensiero, comprensivo di un "grazie Stefan" per quanto pur nella tua imperfezione di uomo hai fatto per noi. Ed è per questo che il Circolo Michael Gaismayr di Trento, ha dato vita a un momento di ricordo e di riflessione sulle tematiche che Stefan ci ha lasciato, non ultima, l'invito a continuare su quella strada da Lui tracciata. L'incontro avrà luogo domani pomeriggio, sabato 28 alle ore 15 presso l'Istituto Culturale Mocheno/Bersntoler Kulturinstitut - Palù del Fersina/Palai en Bersntol.

CIRCOLO MICHAEL GAISMAYR

**PALAI**

**De gamoa' ist sperrt en ma'ta**

Mel lòk bissn as en ma'ta as de 7 van schantönderer 2015 de Gamoa'omtn barn sperrt plaim.

**TOLGAMOA'SCHÖFT**

**Hilf en de schualer ont en de studentn**

De Tolgamo'a'schöft Hoa Valzegu' ont Bersntol hot ausgaleik an bando ver za gem a hilf ver en schualjor en de studentn hom nèt mechlechket za nemmen de korriera ont as mias möchen meer va drai kilometre pet en auto. De doi hilf ist vourtsechen en Provinzialgasetz nr. 5 va de 7 van agest 2006. De doi hilf mu pfrok kemmen va de studentn as möchen de hoaschual, de örbetschual oder de universitet as hom minder va 20 jor ont as lem en de Gamoa'n va de inser Tolgamo'a'schöft. De vrong mias ogem kemmen en sitz va de Tolgamo'a'schöft Hoavalzegu' ont Bersntol vour en vraita as de 4 van schantönderer um zeichena en de vria. Derzua, de Tolgamo'a'schöft hot ausgaleik an öndern bando. S ist an prais en de braesten studentn as lem en de inser Tolgamo'a'schöft. Der vrog mias ogem kemmen vour de 4 van schantönderer.